

ĀDUNIYA KULU BORO DAAMA BEIYANIYOM

SENNI ZIIGO

Ka simma nna buricinitere ka n boro ɲwene iyaali bei nna daama duuri ka boro fo su hini ka hoɲu n se ya bara boɲo duuri nna laakari kaniyom āduniya kuna,

Ka simma nna ka boro daama duuri bara hei fo ka sariya hima a ma ceruma ka boro morani nna tilaasi guruje nna meiyom berekete nna kwene boro futu,

Ka simma nna naane ka āduniya zamaa sariya nyā dam daama duuri ga buricinitere nna boro jirima boɲo nna kwene daama ka a gono weiboro nna haruboro ciyom afo gonouom kuna,

Ka simma nna ka bine a hima go rokasinε henno ma gono ganna nna ganna ɲmaaniyo binni n hānu kulu moɲine kweiyom dirou ga,

Ka simma nna ka āduniya zamaa diya mariga beeri, tabataniyom mefo ceejiyom ka n baa āduniya ganna zamaa kulu ma to daama duuri hini ga nna a zaamani safu ɲwaani ɲwaani ka n damyom nna daama duuri ko ga a jirimani ko beiyom tontoni ceeji a boɲo,

Ka simma nna ka āduniya zamaa marga beeri tutu ka ɲɲayo ba mee cineyo kulu cii kawa boro ɲwene āduniya daama duuri hini ga,

Ka simma nna ka meecineyo cimaniyo ya ba nam daama duuri gweiyo ma dira dei-dei, āduniya zamaa marigā beiyani boro ɲwene daama duuri ādininya kuna gwei cirici ka a hima zaamani an kokari kà ci tεente n ɲmaare ba mani za couyom hini kuna beiyom ceejiyom, ga, boro kulu ma mee cine di ci a ɲwene ganna zamaayom kulu mo ma duwa ka geeri tila cirici wo ga. Za ganna ɲmaani ɲmaaniyom kuna hali an to āduniya zama kulu.

ASARIYA SINTE (1)

Aduniya kuna n gu ibuna damayo hei no dei-dei nn daama nna n burucinitere fo, n lasabu nna laakari ya nam nn mo huro cere kuna nyanze tere boɲo.

ASARIYA HINKANTE (2)

Baa mei hima a ma gonna daama nna boɲo meiyom zaɲa ka daama bei beiyaniyom mee cine na a siriyani dimi fisou yo ma sii. A sii nna n ma ci wo no gaa kwaare wo no gaa bii wo no weiboro wo no haruboro.

A sii nna cine fisouyom; a sii nna adiini fisouyom a bine sii nna siyasa fisouyom.

ASARIYA HINZANTE (3)

Boro kulu gonna hunayom nna boɲo meiyom nna boɲo naaneyom daama.

ASARIYA TAACINTE (4)

Boro fo na hima an ci boro fo se tam dee bine n ma mooriya berekete. A ganna no n hoɲu tamtere nna mooriyayom berekete ba hini fo ga.

ASARIYA GUNTE (5)

N su bɔrɔ fɔ wahalani, n su ga cɛɛnani n binɛ su ga kamani.

ASARIYA IDDUNTE (6)

Sariya ganna baa mani bɔrɔ gono a hima an saria ganna.

ASARIYA IYENTE (7)

Iri kulu afo sariya mojinɛ ya no binɛ sariya di gu iri kulu cɛruma.

ASARIYA AIYAAKUNTE (8)

Batumɛ gono bamei sɛ dɛɛ bɔrɔ na sariya daali n ma cɛɛ goosi sariyayo di mojinɛ ka yii ko beiyom.

ASARIYA EGANTE (9)

Hini sii bɔrɔ fɔ sɛ a ma hacinɛ dii ka daabu ɔu a ma gɛi, dee binɛ a ma kaa kwaara ka na cii taalifo boŋɔ.

ASARIYA WEINTE (10)

Hini gono bamei sɛ an goosi cɛ; goosi ka a ba hini ka a no cimi ɔu a ma tãgarani a daama nna a tilasi bõŋɔ.

ASARIYA WEICINIFONTE (11)

Ba n taali damyom nga se goosi ma a ciba n faaba kwe yo mojinɛ n ma du ka n ci taali kwe.

A sii na n ma bɔrɔ no taali daa fɔ boŋɔ ka sariya dom na a jisi. Ya no binɛ hãŋa gunguyom ka a bisa sasariya sii. Sariya zaka ya hima hãŋa gunguyom.

ASARIYA WEICINI HINKANTE (12)

Bɔrɔ fɔ su mɛɛ dam bɔrɔ fuu senni kuna bereketɛ. Ya no binɛ bɔrɔ fɔ sii nna a ma haŋasine jirima zobu. Sariya bamei cɛruma nna alaamari zaŋa yayo.

ASARIYA WEICINI HINZANTE (13)

Daama gono bamei sɛ a ma kwei nuŋu ka a baa kulu.

A ma gɔrɔ kwaara ka a sawayom a sɛ a ma tunu saa ka a binɛ baa.

ASARIYA WEICINI TAACINTE (14)

Bamei ka sanani na n gaari n kwaara kuna daama gono n sɛ n ma gana kwaara ŋwaani ka hini ceeji n ma n ta yoo.

Daama di su go n daabu dee a bara nna bɔrɔ wii ɔu binɛ daa bereketɛ fɔ yo ka ãduniya zamaa mariga beeri hoŋu.

ASARIYA WEICINI GUNTE (15)

Bamei kulu hima a ma gonna dimi.

N su hini ka hoŋu bɔrɔ sɛ a dimi takii boŋɔ.

Asariya weicini idunte (16)

Dee boro kã to balaga a sii nna ma dimi nna adiini fisou wei nna haru se domi daama fo di no n kulu gonna za n hiije waati hali n fefeiyom saa.

N su hini ka hiije hou ka a na ci nna n boro hinka kulu bakasine.

Iyaali ya bara zaamani safu ci cirici a ganna no gominanti ga a ceruma.

Asariya weicini iyente (17)

Bamei, n boŋɔ fo no, noo zamaa no, daama gono wo gonna duuri.

A sii n ma boro gaŋa a duuri takii boŋɔ.

Asariya weicini iyaakunte (18)

Bamei kulu gonna daama lasabu, ga, diayom kuna nna adiini ganayom ga n bine ba hini ka baaru n boŋɔ fo ou noo zamaa ko ga loo zaŋa ka a sawa noo se.

Asariya weicini egante (19)

Bamei kulu gonna lasabu nna senni daama. A se ganna no boro su ba heifo senni ou lasabu ko dirigoyom hei ka a bine ba senni kulu hini ka sei ba mani.

Asariya warankante (20)

Bamei kulu gonna kummayom nna igwe kuna gonoyom daama.

N su boro tilasi igwe fo kuna wuroyom.

Asariya waranka cinifonte (21)

Bamei gonna daama a ma wuro a kwaara senni kuna a boŋɔ ou a barani ka a fisou.

Bamei kulu afo boŋɔ gonna daama a ma gwei te a kwaara gominanti se.

Hei ka zamaa zaa ya bara kwaara yiiko. Zaayom di mo bara ka nna a tete biri.

Asariya waranka cini hinkante (22)

Ni ka kulu n gono zamaa kuna hima no n ma gonna zamaa di naane daama. A ma du ko bara n bukaata mo biyayom zaa almani nna taadayo daama duuri hini ga heiyo wo kulu nna kwaara zaama gaabi nna bine goro ka sine heinno kwarayo nwene alkawali hini ga. Ka simma nna zaŋa ka mete yaasi kwaara fo fo na nwene almani siriyani.

Asariya waranka cini hinzante (23)

Bamei gonna daama a ma gwei ka a baa fisou. Ya no bine n ga a ceruma nna gwei zaŋei.

Bamei munaafinsi baasi gonna gwei ka n te banayom daama.

Ni ka n gwei te kulu gonna banayom dei-dei daama ka a ba to ni n ma n nwene iyaali koto nna beere boŋɔ.

Bamei gonna daama a ma gweiteeriyo zogi taayom igwe safu jisi a bine ba hini ka a boŋɔ dam a fo gwaani ku na a boŋɔ bukaata fansayom ganna.

Asariya waranka cini taacinte (24)

Bamei gonna gwei hinanzobu nna hooɗe daama gwei keiyaniyom zaka nna gwei hinanzobu kuna banayom saa nna saa.

Asariya waranka cini gunte (25)

Bamei gonna jisiri daama ka a ba hini ko ga nwere alaafia nna a iyaali kulu ceruma nna, zaa nwaari, taafe, fuu nna baabuyom. Dee a bara sariti ya du ni ou bine gwei ya sara musiiba ya na n zeeri, zeene no, dee bine arooba fo ka a na ci n saabu a bara tilasi n ma duwa tee mako daama.

Wei kunu kweiyo, koo nweeraɗo gonna tsemako nna kulayom daama. Koo kulu ka nna hei hiiɗe boɗo, ka du ka nam nja ka n hei hiiɗe si boɗo nn kulu gonna kulayom daama.

Asariya waranka cini idunte (26)

Bamei gonna couyom daama. Couyom di ma du ka bara tilasi faala boɗo za coubugu ceene ka kwei sasa wanteyo kamme gwei dendeniyom coubugu nja cere hima n ma feeri bamani. Coubugu beeri n ma nja feeri nuɗu ka a hima.

Couyom di ma bara heifo ka a moɗ feeriyom nna jiri ma nufi daama duuri hini ga a ma ci saabu suuru nna kwaasitere ma tee dimiyo nna adiiniyo binni laakari kaniyom nna wadaata ma te bamei se.

Nyaa nna baabe gonna daama n ma couyo ka n baa fisou n kooyo se.

Asariya waranka cini iyente (27)

Boɗo kulu gonna daama a ma wuro a dimi taada kuna ka a hukumsi.

Bamei gonna daama taadayo kuna a ma a kaayom taago liiba nwaa; tila kaayom no, ou hooɗe taago.

Asariya waranka cini iyaakunte (28)

Boɗo kulu gonna daama a ma te hei ka kwaara nna kwaara binni, nuɗu birijiyom ma si. Laakari kaniyom nna boɗo meiyom mo gono zaɗa ka nna beiyani boɗo aduniya daama tila kuna a ma duka bara mooriyante.

Asariya waranka cini egante (29)

Boɗo gonna tilasiyo zamani ka kuna a gono. Zamani di ka kuna a folonku boɗo tere nna a jirima hini ka te.

A daama nna a boɗo meiyom looyom kuna no sariya tikite a se a ma duwa ko boɗo cinniyo daama nna n boɗo meiyom bei n se. Macerese mo gono bamei se.

N su ba hini ka daama nna boɗo meiyom di loo ka na cii zaɗa ka yaasi aduniyakwaara diyayo marigayom na a jisi.

Asariya waranzante (30)

Beiyaniyom wo looyom ga siriyar fo sii ka a ba nam kwaara fo su safu fo dee bine boɗo ma tunu ka kone ko ceeji ganna zamaa ma daama duuri nna boɗo meiyom di ka n dam tila kuna saabu.